

Кто ли возшед в избу кабацкую, испив вина гораздо, не шален отидет?⁴⁹⁵ Кто ли от земнородных изрещи возможет глупость твою, хмель высокоумны? Кто ли не похвалит вино, данное нам на веселие, и мед во сладость гортани нашей и пиво беседа наша добрая? Кто ли не вспомянет частыя твоя ковши? Кому ли не вспомянути ниския твоя поклоны, и како ли не ублажатся на завтрое из ковшев сладкия ти пития? Кто ли не въздыхает пропився до нага? Тем же умилно подшибши руки к сердцу зовем: богатства истощителю, прият власть над всеми пьяными и всех в мир пущаеши.

Како не дивимся житию твоему или не похвалим, преподобне, житие твое равноангельное, помысла целомудрие и кротость твою... (Мин.)

Песнь 6. Дивно и ужасно и студа исполнено трезвому слушать, яко про пианого глаголют (32 об.), токмо ъханием и частым въздыханием усугубляя, да вси от сердечныя болезни тя злословим и похуляем.

Странна и ужасна содеваеши чудеса... (Сл. св. Николаю, прмос).

Погубих безчисленное имене, в кою пору у нас пили, в то время нас и величали, а ныне у нас в руках не видят, и они нас же осмежают и дураками называют.

⁴⁹⁶ Слава. Радуйся, кабаचे, аду сопрестолниче, сатане собеседниче, диаволу спутниче, душам губителю, имению истощителю.

И ныне. Ин никто же таков⁴⁹⁷ явися, яко же ты, кабаче, всякому человеку неложная пустоха,⁴⁹⁸ гневу водворителю, нищета пребедная еси всем.

Песнь 8. Всякую мя, хмель, отринул от лица людей добрых и света не [заходимого]⁴⁹⁹ с похмелья (33) видети не могу, покрыла мя есть чюжая тма от похмелья,⁵⁰⁰ но обрати к свету, от похмелья,⁵⁰¹ пити давай, молюся.

Всякую мя отрину от лица твоего, свете незаходяи, покрыла мя есть чужа тма окаянного, но обрати мя и к свету заповедей ти пути моя направи, молюся ти. (М.)

Вскую валяюся с похмелья, жадает ми душа пития, а взять негде; умилно к целовальнику вопию: помилуй мя похмельнаго, как будет, хотя вдвое возми, не умори мене напрасно, молюся.

Легок есмь и добро течение сотворю кабацкому двору, вшед в ызбу быстро зрение содеваю, кто чарку оплошно держит или пред собою поставит, аз же не устрашихся поушника, взашей ихания, елико возмогох,

⁴⁹⁵ будет И. ⁴⁹⁶⁻⁴⁹⁷ проп. И. ⁴⁹⁸ питоха И. ⁴⁹⁹ так И; Р заходимы. ⁵⁰⁰⁻⁵⁰¹ проп. Р, И.